

## **Potpisan sporazum o smjestaju Osnovne škole "Scipe" u Prozoru-Rami**

Sporazum o djelomicnom smjestaju Osnovne škole "Scipe" u zgradi Osnovne škole "Marko Marulic" u Prozoru-Rami danas su potpisali ministrica i zamjenik ministrice obrazovanja Kantona br. 7, gradonačelnik općine Prozor-Rama, predsjednik i zamjenik predsjednika Općinskog vijeća općine Prozor-Rama, direktori dvaju škola te Posebni izaslanik Visokog predstavnika za općine Bugojno i Prozor-Rama.

Prije nego što je ovaj Sporazum postignut, djeca Bosnjaka iz Prozora-Rame putovala su u Osnovnu školu "Scipe," a sada mogu biti smješteni u Osnovnoj školi "Marko Marulic." Osnovna škola "Scipe" i nadalje će imati sjediste u mjesnoj zajednici Scipe, ali sada će imati i podružnu školu u samom gradu. Učenici u obje škole nastavnice se obrazovati po nastavnom planu i programu po izboru svojih roditelja.

Školske prostorije kao i oprema biće dostupni učenicima obaju škola, a direktori ovih škola stalno će nadgledati funkcionisanje dvaju škola kako bi se osiguralo normalno održavanje nastavnog procesa. Ovo će rješenje također omogućiti moguće povećanje broja učenika Osnovne škole "Scipe".

Sporazum će osigurati bolje uslove za obrazovanje djece i bolje uslove rada za nastavno osoblje. Učenici i nastavnici biće u prilici biti zajedno i družiti se pod jednim krovom. U poredjenju s nekim drugim općinama, ovaj Sporazum postignut je u rekordnom vremenu zahvaljujući primjernoj saradnji gradonačelnika općine Prozor-Rama.

Ovaj Sporazum služiće kao prelazno rješenje dok se u potpunosti ne provede Sporazum o obrazovanju potpisan 10. maja od strane ministra i zamjenika ministra obrazovanja Federacije BiH i ministra obrazovanja Republike Srpske. Uvodjenje savremene zajedničke jezgre nastavnog plana i programa, koja će ohrabriti povratak i omogućiti potpunu slobodu kretanja, uslov je Vijeća za implementaciju mira, s njihovom sastanku u Bruxellesu maja ove godine, za ulazak BiH u Vijeće Evrope. Reforma nastavnog plana i programa također će dovesti evropske obrazovne standarde u učionice Bosne i Hercegovine.

OHR je izuzetno zadovoljan što je u mogućnosti pomoći bosnjacima učenicima u općini Prozor-Rama odmah nakon nedavnog potpisivanja Sporazuma za Bugojno koji je omogućio smjestaj Prve (hrvatske) osnovne škole u zgradu Treće osnovne škole. Ohrabrujući izbjegle i raseljene osobe na povratak, ovaj Sporazum će također značajno pomoći ubrzanje procesa pomirenja u općini Prozor-Rama.